

## Tutkimus Trafikvahinkolautakunnassa

**Jos sie olet, elikkä joku likhiinen oon tärväintynny trafikionnettomuessa niin Trafikvahinkolautakunta saattaa tutkia sinun vakuutuspuulaakin korvausta henkilövahingolle. Asian hantteeraus lautakunnassa tehhään ruottinkielelä. Tutkimus oon ilhmainen. Trafikvahinkolautakunnan vastaus oon neuvonantava vakuutuspuulakile. Trafikvahinkolautakunta tutkii kahen sorttisia asioita; pakolisia asioita ja rianratkasuasioita. Tämä informasuuniplaavi oon rianratkasuasioista.**

### Rianratkasuasiat

Jos sie olet saanu lopulisen päätöksen sinun vakuutuspuulakilta mitä koskee henkilövahingon korvausta trafikivakuutuksesta etkä ole tyytyväinen päätöksestä niin sie saatat hakea ette sinun asiata tutkithaan Trafikvahinkolautakunnassa. Sinun asia tullee silloin rianratkasuasiaksi.

### Saatankos mie itte hakea ette minun asia tutkithaan Trafikvahinkolautakunnassa?

Sinun vakuutuspuulaaki oon pitäny ottaa lopulisen päätöksen siinä kysymyksessä jonka sie halvaat saaja käsiteltyksi ennen ko sie saatat hakea sitä Trafikvahinkolautakunthaan. Sen jälkhiin sie olet kansa pitäny olla yhtheyessä sinun vakuutuspuulaakin kansa ette yrittää saaja muutoksen sille päätökselle jonka kansa sie et ole tyytyväinen. Jos vakuutuspuulaaki ei muuta heän päätöstä ettäkä tet ole sammaa mieltä sie saatat hakea asian Trafikvahinkolautakunthaan.

### Esimerkkiä kysymyksistä joistako sie saatat vaatia tutkimuksen:

- Jos sinun vaivat oon tulheet trafikionnettomuuen takia elikkä ei
- Lääketiethelinen invalititeettiaste trafikionnettomuuen jälkhiin
- Sisäletulomenettäminen trafikionnettomuuen jälkhiin
- Jos sinun kysymys oon preskripeerattu elikkä ei

### Trafikivakuutusföreninki

Jos Trafikivakuutusföreninki (TFF) käsittellee sinun asiata sie et saata kääntyä suohraan Trafikvahinkolautakunthaan. Jos sie et ole tyytyväinen päätöksen kansa sulla oon aina oikeus saaja sen tutkituksi Trafikvahinkolautakunnalta. Silloin sie käänyt TFF:hiin joka lähättää asian Trafikvahinkolautakunthaan tutkittavaksi. TFF tullee lähättämhään Trafikvahinkolautakunnan vastauksen sulle.

### Kunkas tutkimus tehhään?

1. Sie saatat tehä hakemuksen Trafikvahinkolautakunthaan tikitaalsti elikkä kirjottaa ulos hakemusformyläärin ja lähättää sen postin kautta. Hakemusformylääriä sie löytät Trafikvahinkolautakunnan kotisivulta, [www.trafikskadenamnden.se](http://www.trafikskadenamnden.se). Sinun hakemuksheen sie piät liittää vakuutuspuulaakin päätöksen kysymyksessä joka piethään tukia. Oota ette kompleteerata muula materiaalila siiheen saakka ette sie olet saanu vakuutuspuulaakin vastauksen sinun hakemuksheen. Silloin sie päätät minkä materiaalin kansa sie halvaat kompleteerata.

2. Sinun asia rekistrearataan ja sie saat vahvistuksen sinun hakemukselle. Sie seuraat sinun asiata tikitaalasti webbipaikala, "Mina sidor" Trafikivahinkolautakunnan kotisivula jos sulla oon PankkoID. Muuten komynikasuuni tapahtuu postin kautta.
3. Sinun vakuutuspuulaaki lähättää Trafikivahinkolautakunnale heän vastauksen sinun hakemuksesta. Vakuutuspuulaaki liittää net asiakirjat johonka net halvaavat viitata ko asiata tutkithaan Trafikivahinkolautakunnalta.
4. Ko sie olet menny läpi materiaalin sie saatat nähä jos sie halvaat kompleteerata milhään materiaalila. Hunteeraa ette sie saatat kompleteerata vain materiaalila jotako sinun vakuutuspuulaaki oon nähny. Jos sie esimerkiksi halvaat lähättää uuen lääkirintoistuksen sinun vakuutuspuulaaki pittää ensinä ottaa kantaa siiheen.
5. Trafikivahinkolautakunta tutkii sinun asiata kokkouksessa ja sen jälkhiin kirjotethaan vastaus jossako lautakunnan tulos tullee esile.
6. Tutkimuksen jälkhiin Trafikivahinkolautakunnan vastaus lähätethään sulle ja vakuutuspuulaakille.

Sie saatat koska vain tahtoa takashiin sinun hakemuksen Trafikivahinkolautakunnan käsittelyaikana.

### **Kunkas pitkhään tutkimus ottaa Trafikivahinkolautakunnassa?**

Ko komynikasuuni sinun ja Trafikivahinkolautakunnan kansa oon valmis sinun asiata tutkithaan 90 päivän sisäle. Vississä taphauksissa käsittelyaikaa saatethaan pitentää.

### **Milläs kielelä asiakirjat pitävät olla?**

Tutkimus Trafikivahinkolautakunnassa tehähän ruottinkielelä.

### **Mikäs jyritiselle asiahenkilölle jäläa?**

Sulla saattaa olla asiahenkilö joka auttaa sinua tutkimuksen aikana Trafikivahinkolautakunnassa, mutta se ei ole mikhään vaatimus. Jos sie halvaat asiahenkilön se oon vakuutuspuulaki joka päättää jos trafikivakuutus maksaa asiahenkilön kostanuksia. Muuten sie saat itte maksaa. Fulmahin pittää antaa asihaan jos asiahenkilöä oon olemassa.

### **Saatankos mie olla matkassa Trafikivahinkolautakunnan kokkouksessa?**

Sie elikkä sinun asiahenkilö että saata olla matkassa ko sinun asiata tutkithaan. Tutkimus tehähän vain kirjetuitten asiakirjoitten mukhaan

### **Häättykos minun vakuutuspuulaki seurata Trafikivahinkolautakunnan vastausta?**

Trafikivahinkolautakunta jättää kirjetun vastauksen joka oon neuvonantava. Ette vastaus oon neuvonantava tarkottaa ette vakuutuspuulaaki ei tartte seurata vastausta. Se ei ole tavalista ette vakuutuspuulaaki ei seuraa vastausta.

### **Saatankos mie valittaa Trafikivahinkolautakunnan vastausta?**

Trafikivahinkolautakunnan vastausta ei mene valittaa. Jos sie et ole tyytyväinen vastauksen kansa elikkä jos vakuutuspuulaaki ei muuta heän päätöstä vastauksen mukhaan sulla oon maholisuus nostaa asiata ylheisessä tuomioistuimessa. Se oon vakuutuspuulakin päätös eikä lautakunnan vastaus joka semmosissa taphauksissa tutkithaan tuomioistuimessa.

Preskripsuunin sääntöjä saatetaan silloin tulla käyttämään. Sie piät ottaa yhteyttä vakuutuspuulaakin kansa ette saaja tarkempaa informasuunia mikä semmosessa taphauksessa jäläa.

.

**Lissää informasuunia sie löyät osotheela: [www.trafikskadenamnden.se](http://www.trafikskadenamnden.se)**